






Colbincan
~~Le~~



Je prieur Corbin au Mont & Lefebvre de deffend
6. le Corbin au Mont & apok' & Lefebvre de deffend
26. de deffend 1661. & Corbin au Mont

Jay accepté ce presens pure ala vente
de deffend prieur Corbin au Mont J. gouau

AV SERENISSIME PRINCE
HENRY PRINCE DE GALLES,
DVC DE CORNVAILLE, &c.

Serenissime Prince, ayant depuis deux ou trois ans en ça fait aulcunes leçons de la perspectiue, & ayant recogneu depuis le temps que i'ay l'honneur d'estre au seruice de vostre Altesse, comme elle se delecte en toutes sortes de sciences, cela m'a enhardy de mettre lesdites leçons en lumiere en langue Francoise, d'autant qu'il me semble que ceste science n'a encores esté bien demonstrée en icelle lague: car ce qui en a esté fait iusques à present, n'a esté démontré par aucune raison. Et entre les sciences despendantes des Mathematiques, celle icy est tant necessaire, qu'il est mal aisé d'ordonner bien les ouurages tant d'Architecture que de peinture, que l'on n'en aye quelque cognoissance: & comme dit Vitruue au Chap. 2. de son premier liure d'Architecture, l'Architecture est vne disposition de bonnes conuenances des parties d'un bastimēt de proportion, mesure, distribution & decoration, lesquelles parties ensemble les Grecs nomment taxis, c'est à dire, ordonnance: apres fault chercher à donner grace à toute cualité d'ouurages par vne bonne colocation des membres, que les Grecs appellent diathesis: c'est à dire, dispositiō, laquelle comprend trois especes qu'ils nomment Idées. Par la premiere (qui est dite Ingnoğrafie) est entendu le plan ou terrasse des descriptions & lineamens des plates formes. La seconde espece (dite Ortografie) est vne representation de la figure releuée du corps ou bastiment: ainsi par la troisieme (nommée Scenografie) on void l'adunbration ou renfondremēt, avec le racourcissement du front & des costez d'une edifice, faite par la raison de la perspectiue. En ces trois especes dessus declarées naisantes de l'imaginatiō & de l'inuention de l'ingenieur ou Architecte, est obseruée leurithmie des Grecs: qui est vne conuenāce telle que vostre Altesse desire qui soit gardée au fait de vos bastimēts & ouurages. I'ay aussi fait en ce present liure quelques demonstrations pour colouer les ombres aux corps solides: cest vne partie de perspectiue fort necessaire pour les peintres: car l'on ne peult représenter en la peinture aulcune chose de bien si les ombres ne sont faites avec quelque raison. Outre plus i'ay encores démontré la maniere comme les corps solides se représentent dans les miroirs, chose assez peu traitée par cy deuant. I'eusses bien peu augmenter le tout de plusieurs autres figures si le temps me l'eut permis: mais les ouurages de vostre Altesse m'occupent de telle façon que i'ay esté contraint de mettre fin au present œuure, esperant d'auoir dans quelque temps le loisir d'acheuer vn autre œuure ia commencé: & ce attendant, il plaira a vostre Altesse auoir ce mien petit labeur agreable, & prieray tousiours Dieu qu'il luy plaise accroistre vostre Altesse de sa sainte benediction, & luy donner vne longue & heureuse vie. De vostre maison de Richemont le premier iour d'Octobre, 1611.

Vostre obeissant & fidelle seruiteur

SALOMON DE CAULS.

LOuys par la grace de Dieu Roy de France & de Navarre, à nos aimez & feaux les gens tenants nos cours de Parlements, Baillifs, Seneschaux, Preuosts ou leurs lieutenants, & autres iusticiers & officiers qu'il apartiendra, salut. Nostre bien aimé Salomon de Caux maistre Ingenieur, estant en present au seruice de nostre trescher & bien aimé nepueu le Prince de Galles, nous a faict dire & remonstrier, qu'ayant depuis vn long temps employé ses années & ses estudes aux Mathematiques, il auroit faict vn liure intitulé La perspectiue & raison des ombres & des miroirs, lequel sera fort vtile & profitable au public. Mais d'autant qu'il craint que sur les coppies quil en pourroit faire imprimer, autres libraires & Imprimeurs de cestuy nostre royaume ce pourroyent ingerer de le faire reimprimer & mettre en vente, le frustrât par ce moyen de ses fraix & labeurs, nous requiert humblement nos lettres sur ce nécessaires pour y estre pourueu. Nous à ces causes desirant gratifier le dict de Caux comme estant nostre subiet, & l'inciter d'autant plus à continuer de profiter au public, & mesme afin qu'il se puisse rembourser des fraix quil pourra faire tant pour l'imprimerie de son dict liure, que pour la taille douce des figures qui seront dedans, luy auons permis & octroye comme de nostre grace speciale, pleine puissance, & autorité Royale, luy permettons & octroyons par ces presentes, de faire imprimer son dict liure par tel Imprimeur que bon luy semblera. Et mesme de le faire vendre & distribuer par tout nostre Royaume, par telle personne qu'il voudra choisir, & ce durant le temps de six ans, a compter du iour que le dict liure sera acheué d'imprimer: pendant lequel temps nous deffendons a tous Imprimeurs et libraires de cestuy nostre dict Royaume, de reimprimer ou faire reimprimer le dict liure, sans le consentement du dict de Caux, a peine de mil liures d'amende, vn tiers a nous, l'autre aux pouures, et le troisieme au denonciateur. Et mesmes de confiscation de tous les dicts liures dont ils seront trouuez saisis, Si vous mandons que du contenu de nostre presente permission, vous laissiez iouyr et vsr pleinement et paisiblement celuy ou ceux qui auront permission dudit de Caux d'imprimer et vendre son dit liure, sans souffrir qu'il leur soit faict ou donné aucun trouble et empeschement: car tel est nostre plaisir. Donné a Paris ce dix-huictieme iour de Nouembre, mil six cents onze, et de nostre regne le deuxieme.

Par le Roy en son Conseil.

Signé le Lau.

A MONSIEVR DE CAVLS

Anacrotiche sur son nom.

*S*i les noms ont en eux quelque force & puissance
*A*ueq la sagesse, on t'imposa le nom,
*L*e sçauoir vray le rend, dont l'immortel renom
*O*ste aux meilleurs *A*uteurs l'honneur dès ta naissance:
*M*ais si l'esprit des morts, rentre en aultre substance,
*O*u se glisse insensible, avec nostre raison,
*N*ous penserons de voir, celuy de Salomon
*D*eslié de son corps, faire au tien residence:
*E*stant en ton *A*uril, si remply de sçauoir,
*C*onioindre la science, avec la modestie:
*A*yant vn esprit meur, au printemps de ta vie,
*V*ne aimable douceur, pleine d'humble deuoir:
E admirable *A*rchimede, & *V*irruue reuiuent
*S*ous tes inuentions, qui de bien pres les suiuent.

Vostre affectionné seruiteur,

Iaques le Maire.



Table des Chapitres du present livre.

| | |
|--|------------|
| A | |
| A Arcades veües par le costé en racourfissement. Chap. 14. | fueil. 17. |
| A Arcades veües de frond en racourfissement. Chap. 15. | f. 18. |
| A Plusieurs arcades en racourfissement. Chap. 16. | f. 19. |
| B | |
| B Boulle en racourfissement. Chap. 18. | f. 21. |
| C | |
| C Cercle en racourfissement. Chap. 7. | f. 11. |
| C Cube en racourfissement. Chap. 8. | f. 12. |
| C Cube en racourfissement duquel l'un des angles est tourné vers la veüe. Chap. 9. | f. 13. |
| C Cube veu obliquement. Chap. 10. | f. 13. |
| C Cube dressé sur la pointe. Chap. 11. | f. 14. |
| C Trois cubes sur vne Tablette en racourfissement. Chap. 12. | f. 15. |
| C Chapeau Corinthe en racourfissement. Chap. 23. | f. 26. |
| C Cube en racourfissement avec son ombre. Chap. 2. | f. 43. |
| C Cube sur vne tablette en racourfissement avec son ombre. Chap. 6. | f. 47. |
| C Crois en racourfissement avec son ombre. Chap. 7. | f. 48. |
| E | |
| E Escalier contre vn pied d'estal en racourfissement. Chap. 13. | f. 16. |
| E Escriture contre vne muraille en racourfissement. Chap. 30. | f. 37. |
| E Autre escriture contre vne muraille en racourfissement. Chap. 31. | f. 38. |
| F | |
| F Figure plane de costez inégaux en racourfissement. Chap. 6. | f. 10. |
| F Forteresse pentagone en racourfissement. Chap. 21. | f. 24. |
| F Fontaine en racourfissement. Chap. 24. | f. 28. |
| F Figure en racourfissement d'une façon extraordinaire. Chap. 29. | f. 35. |
| F Frontispice en racourfissement avec son ombre. Chap. 9. | f. 54. |
| G | |
| G Globe en racourfissement. Chap. 19. | f. 22. |
| L | |
| L Lut en racourfissement. Chap. 22. | f. 25. |
| M | |
| M Mazocco en racourfissement. Chap. 17. | f. 20. |
| M Miroirs planes des choses qui aparoiſſent en iceux. | f. 60. |
| O | |
| O Ortohone en racourfissement avec son ombre. Chap. 3. | f. 44. |
| P | |
| P Pont leuis en racourfissement. Chap. 10. | f. 23. |
| P Peindre contre la muraille d'un Iardin, &c. Chap. 25. | f. 30. |
| P Pillier quarré en racourfissement avec son ombre. Chap. 4. | f. 45. |

Pilliers qui soustiennent vne tablette avec leurs ombres. Chap. 5.
Peindre contre la muraille d'une chambre, &c. Chap. 8.
Peindre contre le bout d'une galerie, &c. chap. 10.

f. 46.
f. 50.
f. 58.

Q

Quarré en racourfissement. Chap. 1.
Quarré duquel l'un des angles est tourné vers la veüe. Chap. 3.
Quarré d'autre façon en racourfissement. Chap. 2.
Quarré veu obliquement. Chap. 4.
Quarré susdit parallele à la lingne taillée. Chap. 5.
Quarré en racourfissement d'une façon extraordinaire. Chap. 16.
Quarré d'autre façon extraordinaire. Chap. 27.

fol. 7.
f. 9.
f. 8.
f. 9.
f. 10.
f. 32.
f. 33.

T

Teste en racourfissement. Chap. 28.

f. 34.

V

Vergette en racourfissement avec son ombre. chap. 1.

f. 42.



166
167
168

166
167
168

169
170
171
172
173
174
175

169
170
171
172
173
174
175

176

176


177

177

Au Lecteur.

*bien entendues sans doute l'on pourra rendre raison de ce que l'on fera Au
reste j'ay mis le discours des figures le plus brief qu'il m'a eue possible supplant
le beving Lecteur d'auoir recours aux figures, si le discours n'en donne l'intelli-
gence ce n'est pas chose facile de demonst^rer cest art par escrit Dieu soyt
garde de vous.*

A Vant que traicter de chose aucune, il ne fera mauuais de donner l'in-
telligence des Figures, d'ont nous traiterons cy apres, c'est à dire mon-
strer la forme de chacune figure particuliere avec son nom, car pour la
construction d'icelles figures il n'est besoing icy d'entraicter, c'est vn art par-
ticulier d'ont tant de doctes personnages en ont traicté que se seroit super-
fluité d'en monst^rer aucune chose, ainsi l'on pourra aprendre en les figures
leur nom seulement.





Definition premier.

L'OEIL EST LE CENTRE DE TOVT CE QVE
L'ON VOID,

Explication.



Omme toutes choses visibles prennent leurs origine de l'œil ainsi est il le centre de ce qu'on void, & comme l'œil est different en sa forme à chacune personne, ainsi est il que chacune chose que nous voyons nous semble à aucuns grandes & aux autres petites il semble que la raison vient de la forme de l'œil, car le poinct duquel nous voyons n'est pas en la superficie de l'œil mais est dedans iceluy & la chose visible se vient représenter en la superficie de l'œil qui est comme vn verre & estant la le poinct de veue (qui est vne goutte d'eau autrement appellées nerf optique) regarde la chose veüe en la superficie de l'œil, & selon que ledict poinct de veue est pres de la superficie de l'œil ainsi nous auons la veüe courte ou longue, comme par exemple: soyt le poinct de veüe, ou goutte d'eau, ou nerf optique (quoy que se soyt car ce n'est qu'un poinct duquel nous voyons) marqué A. & soyt la superficie de l'œil qui est comme vn verre marqué B C. & soyt la chose visible D E. soyent tirées les rays visuels du poinct A. iusques à la chose visible passans à trauers la superficie de l'œil B. C, alors la chose visible se verra de la grandeur B. C. en la superficie de l'œil G. H. & la chose visible I. L. & tirez les rays visuels comme dessus il est certain que la chose visible se represente à l'œil A. plus grande qu'à celuy F. & de la aduient qu'il y à plusieurs personnes & notamment en Portugal lesquels ont le poinct de veüe si profond dans la teste que tout ce qu'ils voyent semble si grand à cause que les rays visuels se dilatent si loing les vn's des autres qu'ils sont certains de porter lunettes de racourcissement pour ayder à rassembler les rays visuels pour par ce moyen distinguer la chose visible mieux, or ces mesmes personnes ont vne aduantage grand à ce qui voyent de pres, d'autant qu'ils voyent les choses delicates plus parfaitement & aussi sont fort propres à faire ouurages delicates, car par comparaison la grosseur d'un grain de navette leur semblera gros comme aucuns vn pois.



RAIS VISVELS SONT LIGNES DROICTES

IMAGINEES PARTANTS DE LA CHOSE VISIBLE
SE VENANS RENDRE A L'OEIL.

Definition deuxiesme.

LA chose veüe se venant à représenter à l'œil elle y vient par rayons droicts ou rays visuels, & faut entendre que nous ne tirons lesdicts rays visuels que de chacun angle de la chose visible d'autant qu'ayans tous les angles de la figure il sera apres facile de tirer les lignes d'un angle à l'autre pour parfaire ladicte figure.

LA CHOSE VISIBLE EST CE QUE L'OEIL

REGUARDE.

Definition troisieme.

LA figure que l'œil regarde est nommée chose visible il y en a de deux sortes de figures ceux qui sont composez de lignes droictes, & ceux qui sont de lignes courbes, ceux qui sont de lignes droictes seront faciles à mettre en raccourcissement ceux qui sont de lignes courbes plus difficiles car il faut former des angles au plans desdictes figures pour d'iceux angles tirer des rays visuels & apres que le raport desdicts angles sera fait au raccourcissement il faudra tirer les lignes courbes d'un angle à l'autre avec iugement tellement que tant plus il y aura d'angles aux plans de la chose visible tant plus sera la figure parfaite au raccourcissement qui s'en fera.

LIGNE DE TERRE EST VNE LIGNE REPRESENTANTE LA SUPERFICIE DE LA TERRE.

Definition quatriesme.

EN l'ignographie la superficie du papier ou est tracée ladicte Ignographie est imaginée pour la superficie de la terre. A l'Orthographie la ligne de bas sur quoy est esleuée la chose visible est imaginée aussi la superficie de la terre.

LIGNE ORIZONTALLE EST VNE LIGNE DE LA HAV-
TEVR DE LOEIL PARALELLE A LA LIGNE
DE TERRE.

Definition cinquiesme.

DE ceste ligne il en sera peu parlé par-cy apres d'autant que le poinct de veüe & d'esloignement represente l'horizon.

LIGNE TAILLEE EST VNE LIGNE IMAGINEE ESLE-
VEE A DROICTS ANGLES SVR LA LIGNE DE TER-
RE QVI COVPE LES RAYS VISVELS.

Definition sixiesme.

Ligne taillée est ainsi nommée d'autant qu'elle est taillée de tous les rays visuels qui partent de la chose visible se venants rendre à l'œil c'est elle qui reçoit l'objet de la chose visible comme feroit vn verre plane.

POINCT D'ESLOGNEMENT EST LE PIED DE LA FIGV-
RE QVI REGVARDE LA CHOSE VISIBLE.

Disinition septiesme.

Poinct d'eslongnement ou distance ^{est} & le poinct ou est le pied de la figure qui reguarde la chose visible lequel poinct se posera tousiours à vne distance raisonnable car s'il estoit si prahc de la chose visible le racourçissement feroit monstreux c'est à dire estrange^a la veüe, la distance doncques que nous donnerons audiët poinct d'eslognement sera selon la grandeur de la chose que nous voyons si c'est vne superficie de vingt pieds en quarré pour en auoir vn beau racourçissement il faudra mettre lediët poinct d'eslognement au moins du double de la grandeur de la chose la pratique monstrera tout cecy.

POINCT

POINCT DE HAUTEUR EST VN POINCT DE LA HAUTEUR DE L'OEIL PERPENDICULAIRE SVR LA
LIGNE DE TERRE.

Definition huictiesme.

Q Vand au poinct de hauteur il faut qui soyt du mesme esloignement de la chose visible & quand à sa hauteur il doibt estre tousiours de la hauteur de l'œil de l'homme ce sont viron cinq pieds mais d'autant que l'homme pourroit estre sur vne montaigne ou bien qui sera aucunesfois besoing de voir dans vne court ou iardin ou autre chose qui pour voir faudra esleuer ledict poinct plus haut tellement que son esleuation sera à discretion mais à choses indifferentes faut plustost le faire de cinq pieds ou enuiron.

IGNOGRAPHIE EST L'ASSIETTE OV FLATTE PORME
DE LA CHOSE VISIBLE.

Definition neufuiesme.

Premier que de faire aucune figure racourcie il nous en faut sçauoir hauteur, longueur & l'argeur de toutes les longueurs & largeurs il s'en fera vn plan que les Grecs nomment Ignographie.

ORTOGRAPHIE EST TOVTES LES HAUTEURS DE LA
CHOSE VISIBLE QUE L'ON DESIRE METTRE EN
RACOURCISSEMENT.

Definition dixiesme.

L Autre plan apellé des Grecs Ortographie est vn esleuement de la chose visible au dessus de la ligne de terre.

SCENOGRAPHIE EST LE RACOURCISSEMENT DE
LA CHOSE VISIBLE.

Definition onziemesme.

Scenographie, c'est à dire description des Scenes ou Theatres à este ainsi dicté des Grecs à cause comme dict Vitruuie liure 7. Chap. 5. que les Grecs premiers inuenteurs des arts & desquels nous retenons les noms feingoyent avec leurs peintures diuerfes sortes de colonnes contre les murailles & contrefaisoyent les Scenes d'ont y en auoyt de trois sortes tragiques comiques & satiriques du depuis tout ce qui à esté racourcy par raisons de perspective se nomme scenographie comme il se peut encores voir dans le mesme Auteur liure premier Chap. deuxiesme.

AVCVNS THEORESMES SERVANTS


ALA DEMONSTRACION DE LA PERSPECTIVE.

Theoreſme premiere.

**LES CHOSES SONT VEVES OV LES RAIS
VISVELS ARRIVENT.**

Explication.

ENcores que ce Theoreſme ſe donne aſſez à entendre ſi eſt ce qui ne fera mauvais d'en donner quelque explication & exemple, ſoyt l'œil A la choſe viſible BC. d'autant que les rays viſuels arriuent à chacun bout de la choſe viſible ſans trouuer empeschemēt ainſi elle eſt veüe en ſon entier.



Theoreſme deuxieſme.

**LES CHOSES NE PEUVENT ESTRE VEVES OV N'ARRI-
VENT POINT LES RAIS VISVELS.**

Explication.


CEcy ce peut entendre par la precedente car ſ'il y à quelque choſe derriere la choſe viſible BC. comme DE il eſt certain que d'autant que les rays viſuels n'y peuuent arriuer que icelle choſe DE ne pourra eſtre veüe.

Theoreſme troiſieſme.

**CE QVI EST AV DESSVS DE LORIZON SE VOID PAR
LE DESSOVBS.**

Explication.

SOyt l'œil A la choſe viſible B. C. laquelle eſt au deſſus de l'horizon ainſi comme les rays viſuels arriuent par deſſous la choſe viſible ainſi ladiète choſe ſera veüe par le meſme coſté.




Theoreſme quatreſme.

**CEST QVI EST AV DESSOVBS
DE LORIZON SE VOID PAR LE
deſſus.**

Explication.

SOyt l'œil A & la choſe viſible BC les rays viſuels arriuants au deſſus ainſi ſera elle veüe par le meſme coſté.




Theoreme cinquieme.

CE QVISE VOID SOVBS PLVS GRAND AN-
GLE SE MONSTRE PLVS GRAND.

Explication.

SOyt l'œil A. & qu'il y ayt deux choses visibles d'une mesme grandeur, à sçavoir BC & DE. esloignées l'une de l'autre les rays visuels estans tirées, vous voyez que les deux choses visibles avec le point de l'œil font deux triangles & l'angle du point A du triangle A. D. E. est plus grand que l'angle du mesme point A. B. C.




Theoreme sixieme.

CE QVISE VOID SOVBS AN-
GLES EGAVX SE MON-
STRENT EGAVX.

Explication.

SOyt l'œil A. & les choses visibles DE. & BC. soynt tirés les rays visuels & soynt fait la portion de cercle FGH l'angle AHI est égal à AFG, d'autant que la distance I. H. est égale à GF. mais la chose visible BC est plus grande que DE lesquelles neanmoins se montrent égales d'autant qu'elles sont veues sous angles égaux.



Theoreme septiesme.


CE QVISE VOID SOVBS PLVS
PETIT ANGLE SE MON-
STRE PLVS PETIT.

Explication.

C'Est la mesme raison du 5. Theoreme l'angle ADE estant plus petit que ABC ainsi la chose se montrera plus petite.

De la sensuyt que des choses d'une mesme grandeur la plus esloignée de l'œil se montre la plus petite, & cecy estant vn des principaux fondemens de la perspective i'en donneray encores c'est exemple: soynt l'œil A & qu'il y ayt deux vergettes d'une mesme grandeur plantées perpendiculaires sur la terre la plus esloignée soynt marquée BC. & la plus prochaine DE. les rays visuels seront tirées de

chacun bout des vergettes au point de l'œil A. vous voyez q̄ les rays visuels de la vergette BC. coupe celle DE. aux sections FG. nous dirons dōcques que la vergette BC se mōstre sur celle DE. de la grandeur FG.




Theoreſme huitieſme.
LES CHOSES EGVALES QUI SONT PERPEN-
DICVLAIRES DONNENT LEVRS RACOV-
CISSEMENTS DELLES MESMES.


Explicacion.



Oyt la ligne perpendiculaire diuiſée en parties eſgualles, comme B C. C D. D E. EF. & ſoyt l'œil marqué A les rays viſuels ſeront tirées de chacun point des grandeurs iuſques à l'œil apres tirer vne ou pluſieurs lignes perpendiculaires entre l'œil & la ligne grauée toutes les grandeurs ſeront égualles ſelon la trente ſeptieſme propoſition du premier des elements d'Euclide ou il dict que tous triangles eſtant ſur meſmes baſes & entre meſmes paralleles ſont egaux entre eux le triangle doncques B C A. eſt égal à C D A & à tous les autres auſſi qui ſont faiets ſur la meſme ligne, apres ſelon la deuxieſme propoſition du ſixieſme, il dict que ſi vne ligne droicte coupe les deux coſtez d'un triangle les angles ſeront proportionaux entr'eux, & ſi les angles ſont proportionaux entre eux, il eſt neceſſaire que tous les coſtez ſoyent eſgaux de la ligne GH. ainſi il ſe peut voir par ceſte raiſon que toutes les grandeurs eſtants perpendiculaires ne donnent aucun racourciſſement.



Je donneray encores vn autre exemple d'autant que cecy merite d'eſtre entendu, ſoyt vn baſtiment ou tour eſleuée de cent pieds de haut, & qu'il y ay des fenestres marquées celles de haut B. & celles de bas C. & ſoyt l'œil A. ſoyt apres tirées les rays viſuels leſquels paſſeront à trauers la ligne taillée, il eſt certain que le racourciſſement qui ſera ſur la ligne taillée tant de celles de haut que celles de bas ſera eſgal, mais il eſt bien certain que c'elles de bas qui ſe voyent ſoubs plus grand angle ſe monſtrent plus grandes ſelon le cinqueſme Theoreſme, & pour monſtrer de combien ſoyt faiet le cercle F. D. H. I. d'ont l'œil ſera le centre, or la grandeur FD. eſt plus petite que H I. autant en proportion comme la fenestre B paroît plus petite que C.




Theoreme neuuesme.


LA CHOSE VISIBLE PARALLELE A LA LIGNE TAILLEE
DONNE SON RACOURCISSEMENT D'ELLE MESME.

Explication.


SOyt par exemple les deux quarrez B C. & D E. en racourcissement, or B C. est plus esloigné de l'œil que D E. & aussi ledict costé B C. est veu de trauers & non de front ces raisons semble qu'il deuburoit estre plus petit au plan racourcý mais si la ligne taillée est parallele audicts costez le racourcissement en sera égal, cest à dire L M sera égal à N O. & pour voir de combien L M. est plus petit que N O soyt tiré le demy cercle F G H I. ainsi le costé B C. ou L M. se monstrera sous la grandeur F G., & le costé D E ou N O. sous la grandeur H I.



Theoreme dixiesme.



FOUR



POVR METTRE VNE SVPERFICIE PLANE QVAREE EN RACOVRSISSEMENT.


Chapitre Premier.

SOit faict le plan ou Ignographie du quarré A. B. C. D. & pour l'autre plan qui doit estre l'Orthographie faut tirer vne ligne de terre E. F. & marquer sur icelle vn des costez du quarré aux poincts G. H. puis fault asoir le poinct d'eslongnement à volonté qui sera marqué O. puis tirer la ligne taillée I. L. apres faut tirer les rais visuels de chacun angle du quarré au poinct O, lesquels couperont la ligne taillée aux poincts 3. 1. 2. 4. & apres faut esleuer le poinct de hauteur sur la ligne de terre de l'Orthographie & qu'iceluy poinct soit aussi loing de la ligne taillée comme celuy d'eslongnement apres tirez les rais visuels des poincts G. H. audict poinct de hauteur marqué M. lesquels couperont la ligne taillée aux poincts 5. 6. apres faudra faire le transport des lignes racourties qui sont sur les deux lignes taillées en ceste façon.

Soit tiré sur la ligne I. L. vne ligne occulte marquée M. E. laquelle représentera N. O. & que la hauteur M. E. soit parçille à la hauteur du poinct de hauteur E. M. & soit marqué sur I. L. les poincts 3. 1. 2. 4. & soit esleué des lignes occultes perpendiculaires sur lesdicts poincts apres soit prins la hauteur de l'Orthographie du poinct R. (qui est le poinct sur la ligne de terre ou la ligne taillée s'esleue) au poinct 5. laquelle hauteur se mettra au racourfissement sur les poincts 3. 4. aux poincts E. D. puis tirer la ligne E. D. & faut apres prendre la hauteur R. 6. & la dresser sur 1. 2. aux poincts A. B. puis tirez la ligne A. B. apres tirez la ligne A. E. & B. D. le quarré sera mis en racourfissement.

Quand au poinct d'ou il faut veoir ledict quarré il sera perpendiculaire sur le poinct E. de la hauteur M. & aussi eslongné dudit poinct M. comme est la ligne taillée des poincts deslongnement ou de hauteur.





AVTRE FACON POVR METTRE VN QVARRE EN RACOVRCISSEMENT.




Chapitre deuxiesme.

SOit faict le quarré A. B. C. D. sur la ligne de terre 1. 2. & le poinct desloignement E. & celuy de hauteur F. apres soit faict le poinct declinateur qui est le poinct à l'oposite de l'oeil T. & faut auoir en ce racourcissement vne ligne taillée laquelle sera marquée 3. 4. & apres soyent tirez les raiz visuels tant au poinct de hauteur que aux declinateur & aux deux sections O. & I. de la ligne taillée soyent tirées deux lignes paralelles à la ligne de terre M. I. & P. O. lesquelles toucheront aux deux raiz visuels aux poincts P. Q. & M. R. alors la figure M. P. Q. R. sera le racourcissement du quarré A. B. C. D.

Il y à plusieurs Auteurs qui ont traité de la perspectiue lesquels prennent leur racourcissement sur le ray visuel T. B. à la section S. & font la paralelle S. Z. & ne font poinct la ligne taillée, mais en ceste façon de racourcir: il y à vn grand erreur d'autant que ce qui reçoit l'obiet de la chose visible qui est la ligne taillée comme à esté demonsté cy deuant doit estre posé perpendiculaire sur la terre mais en ceste façon de racourcir l'obiet est receu sur vne ligne courbe T. B. ce qui ne peut estre.

POVR





POVR METTRE EN RACOVRCISSEMENT VN

QVARRÉ DVQVEL VNG DES ANGLES SERA
TOVRNE VERS LA VEVE.

Chapitre troiesiesme.



Oit le quarré A. B. C. D. le poinct d'esloignement E. soyent tirez les raiz visuels de chacun angle du quarré lesquels couperont la ligne taillée aux poincts 2. 1. 4. 3. soit apres faict l'Orthographie en sorte que chacun angle du quarré soit esleué sur la ligne de terre comme il est en l'Ignographie soient apres tirées les raiz visuels, lesquels couperont la ligne taillée aux poincts 5. 6. 7. apres faut faire le transport des lignes racourcies, comme à esté enseigné par les precedentes.

POVR METTRE EN RACOVRCISSEMENT VN





QVARRÉ LE QVEL SERA VEV OBLIQVEMENT.

Chapitre quatriesme.




Oit le quarré A. B. C. D. & le poinct d'esloignement E. & la ligne taillée L. M. or d'autant que la ligne de terre du poinct d'esloignement doit estre tousiours à droicts angles avec la ligne taillée ainsi ce quarré icy sera veu obliquement, car si ladiète ligne taillée estoit parallele à vn des costez dudiect quarré, le racourcissement seroit d'une autre façon comme il sera monstre au Chap. suiuant, doncques pour auoir le racourcissement suiuant comme ladiète ligne taillée est placee, faut tirer les raiz visuels des quatres angles de l'Ignographie, apres faut faire l'Orthographie en ceste façon soit tiré la ligne de terre P. E. laquelle coupera la ligne taillée à droicts angles, faut apres mesurer la distance de ladiète ligne au poinct D. & poser la mesme distance sur la ligne de terre de l'Orthographie apres faut mesurer l'autre distance C. de la ligne taillée & la rapporter encores sur la ligne de terre & ainsi des deux autres angles B. A. & quand il's seront posées il faut tirer les raiz visuels au poinct de hauteur lesquels couperont la ligne taillée aux poincts 5. 6. 7. 8. puis faut rapporter les hauteurs & largeurs pour en faire le racourcissement en la façon susdicte.

POVR



POVR METTRE LE DICT QVARRE EN RACOVRCISSEMENT PARARELLE A LA LIGNE TAILLEE.

Chapitre cinquiesme.



Oit le quarré A. B. C. D. de la grandeur du precedent avec la ligne taillée L. M. & le poinct E. du mesme esloignement que le precedent & en la mesme situation soit apres tirée la ligne taillée O. P. pararelle au costé C. D. & foyent tirez les raiz visuels lesquels couperont toutes les deux lignes taillées differemment, & pour dresser l'Orthographie suiuant la ligne taillée O. P. faut tirer la ligne de terre G. E. qui coupera ladiète ligne à droièts angles: & que le poinct E. soit aultant distant de ladiète ligne comme le poinct d'esloignement E. de l'ignographie apres dressez le poinct de hauteur F. & tirez les rayz visuels, apres faictes le transport des lignes racourcies comme à esté enseigné par cy deuant, mais il faut prendre les largeurs sur la ligne taillée de l'ignographie sur celle marquée O. P. & le racourcissement sera 1. 5. 2. 6. 3. 7. 4. 8. lequel est different du precedent, encores qu'il soit veu de mesme longueur & hauteur, mais la ligne taillée à apporté ceste diuersité.



POVR METTRE EN RACOVRCISSEMENT VNE FIGVRE PLANE DE COSTEZ INESGAVX.

Chapitre sixiesme.



Oit la figure ou superficie plane marquée A. B. C. D. E. le poinct d'esloignement F. & soit faict l'Orthographie sur la ligne de terre que chacun angle de ladiète figure soit marqué sur ladiète ligne de la distance de la ligne taillée comme aux precedentes apres faut tirer les raiz visuels & raporter la hauteur de chacun angle avec sa largeur comme il est sur la ligne taillée pour en faire le racourcissement.

POVR



POVR METTRE VN CERCLE EN
RACOURCISSEMENT.







Chapitre Septiesme.

Toutes figures composées de lignes courbes ne se peuuent reduire en racourcissement que par le moyen des droictes à cause qu'il faut former des angles pour tirer les rayz visuels comme par exemple, soit le cercle A. lequel sera diuisé en 16. parties esgualles par la circonference & de chacun ang'e seront tirez les rayz visuels, apres faut faire l'Orthographie comme à este enseigné par les precedentes & pour faire le racourcissement faut tirer tous les costez avec lignes occultes puis faire la circonference à l'entour laquelle se fera à iugement, car de regle pour conduire les lignes courbes, il ny en à aucune mais pour les faire plus faciles il faut faire plus grande quantité d'angles.

C'est autre Cercle B. est veu obliquement à cause que le poinct d'esloignement n'est point vis à vis du centre du cercle ou pour autrement entendre à cause que la ligne taillée ne coupe point la ligne qui part du centre venant au point d'esloignement. a droitz angles

DÉS





point de hauteur au
- cercle A


point de hauteur au
- cercle B

point de hauteur au
- cercle A



point de hauteur au
- cercle B

DES CORPS SOLIDES
POVR METTRE VN CVBE EN RACOVRCISSEMENT.

Chapitre huitiesme.

 A façon de mettre les corps solides en racourcissement se faict par la mesme maniere comme les superficies planes & faut dresser sur la ligne de terre de l'Orthographie toutes les hauteurs de ce que l'on veult racourcir comme par exemple soit le plan ou Ignographie du cube A, B, C, D. & le poinct d'esloignement E. soyent tirées les raiz visuels dudiect poinct ain si qu'à esté enseigné par-cy deuant & pour faire l'Orthographie soit tirée la ligne de terre G, H. sur laquelle faut poser les poincts A, B. & C, D. pour le plan dudiect cube & pour l'esleuement faut dresser les lignes A, B. E. & C, D. F. puis tirer les raiz visuels du poinct de hauteur à tous les angles de l'Orthographie apres le racourcissement sera faict en ceste façon soient tirées deux lignes I, L. & M, N. se croysans, à droicts angles faut poser sur M, N. toutes les largeurs qui sont sur la ligne taillée de l'Ignographie, puis sur I, L. toutes les hauteurs de la ligne taillée de l'Orthographie, puis faut tirer toutes les lignes occultes du plan dudiect cube comme si c'estoit vng quarré apres faut esleuer les lignes perpendiculaires à la hauteur marquée sur la ligne taillée de l'Orthographie la figure en donnera l'intelligence facile.





POVR METTRE VN CVBE EN RACOVRCIS-
SEMENT DVQVEL VN DES ANGLÈS SERA
TOVRNE VERS LA VEVE.

Chapitre neuuiesme.



Oit le plan, ou Ignographie marqué A. B. C. D. & le poinct desloignement E. & tirez les rays visuels de chacun angle au poinct E. puis faut faire l'Ortographie sur la ligne de terre A F & prenes la distance depuis la ligne taillée de l'Ignographie iusques au poinct A & poserez la mesme distance depuis ladiète ligne taillée au poincts A E. & tirez la ligne A E qui est le hauteur dudièt cube, puis prenez encores les autres distances semblables & les posez en ladiète Ortographie, & tirez la ligne E H qui est le diametre dudièt cube, apres tirez les rays visuels & faiètes le raport des lignes au racourçissement.



POVR METTRE VN CVBE EN RACOVRCIS-
SEMENT VEV OBLIQ VEMENT.

Chapitre dixiesme.






Le present racourçissement se fera suiuant les raisons susdictes, & comme à este enseigné au cinquiesme Chap. à mettre vne superficie planè quarrée en racourçissement car il ny à icy que la hauteur d'auantage qui se fera par les mesmes raisons.

POVR



F

F



POVR RACOVRCIR VN CVBE DRESSEE
SVR LA POINCTE.

Chapitre onzième.




Le plan ou Ignographie d'un cube dressé sur la poincte, est de figure Exagone comme il se peut voir par la construction & du centre dudit Exagone soit tiré des lignes à chacun angle, alors le trapere A. B. C. D. sera le plan d'un des costez du cube d'ont l'angle B. sera l'angle de dessus, le trapere A. E. H. D. sera le plan du second costé d'ont le poinct H. qui est commun avec le poinct B. sera le poinct de l'angle de dessous. Le trapere H G C D sera le plan du troisieme costé, ainsi les autres traperes seront les plans des autres costez, or pour faire l'Ortographie faut tirer des lignes paralelles à la ligne taillée de tous les angles de l'Ignographie sur la ligne de terre de l'Ortographie, & sur lesdicts poincts faut esleuer chacun angle perpendiculaire sur ladicte ligne, comme il se peult comprendre en estudiant sur la figure & le transport ou racourçissement se fera comme les precedentes.


POVR




Octaèdre



Impression



Section






POVR METTRE TROIS CVBES EN RACOV-
CISSEMENT LESQVELS SONT POSEE OBLI-
QVEMENT SVR VN QVAREAV.

Chapitre douziesme.



SOit fait les plans de chacun cube particulier d'esquels ti-
rerez les rays visuels, & apres ferez le racourçissement du
quarreau sur lequel les cubes sont posez, & ferez apres
chacun cube particuliere ce racourçissement est assez diffi-
cille s'il le falloit faire suiuant les raisons ordinaires de
Serlio Iean cousin ou autres qui vsent de diuers poinçts ac-
cidentaux, mais en ceste presente façon les choses Inregu-
lieres se feront comme les regulieres.






POVR METTRE EN RACOURCISSEMENT
 QUATRE ESCALLIERS APOSER CONTRE
 VN PIED DESTAL QVARRE.

Chapitre treziesme.



Oit le pied destal marqué A. B. C. D. & soit fait tous les degrez tant de l'ignographie que de l'Orthographie apres soyét tirez les rayz visuels desdicts plans & soit fait le racourcissement en ceste façon premierement faut mettre le pied destal A B C D en racourcissement en la façon comme à esté enseigné au cube, apres prenez la largeur du ray visuel L au poinct O c'est à dire la largeur R O. & avec vn autre compas prenez la hauteur dudiect ray visuel par le bas c'est R S. & la poser au racourcissement au poinct V. & apres faut prendre la largeur R P. & l'aposer au poinct R X. apres faut prendre la hauteur R T. & l'aposer au poincts L. I. perpendiculaires sur X. V. puis tirez les lignes I L. XV. XI. VL. c'est la hauteur du premier degre apres faut prendre de la même façon, tous les autres degrez comme le figure le monstre sur laquelle faut estudier car il est plus aisé prendre sur la figure que par discours d'autant qu'il est impossible de coucher le tout par escrit sans embrouiller le Lecteur.





POVR METTRE DEVX ARCADES VEVES
PAR LE COSTE EN RACOVRCISSEMENT.




Chapitre quatorziesme,



SOit premierement faict l'Ortographie, & faut que l'arc soit gradué en diuerſes parties comme à eſté demonſtrée aux cercles, apres faut faire l'Ignographie deſdicts arcs eſgaux & graduez ſur iceux les poinçts des angles de l'Ortographie ainſi ſoit prins la diſtance de la ligne taillée au poinçt *n. o.* laquelle ſera raportée en la largeur de l'Ignographie aux poinçts *n. o.* apres ſoit prins la diſtance *d. e.* laquelle ſera auſſi raportée en la largeur *d. e.* & ſoit faict ladiçte ligne *d. e.* vn peu plus menue que *n. o.* pour la recognoiſtre quand on prendra les rayz pour faire le racourçiſſement, d'autant que *n. o.* eſt de l'arc d'enhaut, & *d. e.* de l'arc d'enbas, & faut faire ainſi de tous les autres angles ſelon comme les voyez marquez, puis tirez les rayz viſuels & faiçtes le racourçiſſement premiere-ment des quatreſ pilaſtres des arcs, apres faiçtes les angles *n. o. e.* & tirez les lignes incontinent que vous aurez faict deux poinçts ou angles, apres prendrez *b. i. a.* & tirez auſſi les lignes & faiçtes ainſi de tout le reſte.

POVR





POVR METTRE DEVX ARCADES EN RA-
COVRCISSEMENT VEVES DE FRONT.



Chapitre quinzieme.



Oyent faictes les hauteurs en l'Ortographie des pilastres iusques à l'arc, apres faut tirer vn quart de cercle *c. d. e. f. g.* qui est la demie circonference de l'arc par dehois. lequel quart de cercle faut graduer en plusieurs parties esgualies, puis prendre la distance de la premiere distance au poinct *d.* de la ligne de terre & poser la mesme distance *a. V Z X a.* puis prendre la distance *e.* de la ligne de terre, & l'aposer à la hauteur *Q S R T.* & faire ainsi des deux autres apres graduer l'arc de derriere en la mesme forme, puis faut faire l'ignographie, premierement faut faire le plan des quatres pilastres qui soubstienent les arcs marquez *A B C D. E F G H.* puis tirer deux lignes pararelles d'un pilastre à l'autre, ce sera le plan de l'arc, & pour le graduer comme celuy de l'Ortographie faut faire le demy cercle *A. b. c. d. e. f. g. b. F.* & rapporter tous lesdicts poincts sur le plan de l'arc, comme il's sont marquez par les lettres, sçauoir, *x. a.* sous le poinct *b.*, & *S. T.* sous le poinct *g.*, ainsi des autres, l'autre demy cercle inferieur se fera en la mesme façon: ie ne l'ay point marqué de lettres de peur de confusion apres que les plans seront faictes, le racourcissement s'en fera sçauoir premierement les deux pilastres de l'arc de deuant; puis esleuez dessus l'arc premierement les poincts *X A.* puis les autres & à mesme temps que les poincts des angles sont marquez faut tirer les lignes droictes d'un angle à l'autre, l'arc de derriere se fera en la mesme maniere.

POVR





POVR METTRE PLVSIEVRS ARCADES EN



RACOURCISSEMENT.

Chapitre seiziesme.



Vand il y à plusieurs arcades ou colonnes ou autre chose qui s'estend en grande longueur comme par exemple, s'il y auoit vn nombre d'arcades distantes l'vne de l'autre de douze pieds ou plus ou moins pour euer la peine qu'il faudroit à faire les plans lesquels il faudroit faire fort loing pour les mettre tous en leur longueur, hauteur & largeur, & mesmement faudroit tirer vne grande quantité des rays visuels, or pour abreger cecy il faut premierement marquer les deux costez des pilastres A B & C D, puis tirer dessoubs la ligne de terre sur laquelle il faut tirer la ligne taillée perpendiculaire E. F. apres asoir le poinct de longueur G. lequel sera esleué dessus la ligne de terre à l'esleuacion de l'œil, aussi marquez le poinct declinant H. autrement poinct de veüe de pareille esleuacion, apres soyt tiré des poincts A B. C D. des rays occultes au poinct de longueur G. & au lieu ou lesdicts rays couperont la ligne taillée faut faire des poincts, puis tirer des premieres poincts A. B. C D. des rays visuels au poinct de veüe H. & à la hauteur que le ray occulte G. est marqué sur la ligne taillée, puis faut il tirer vne paralelle I. L. & en faire autant de l'autre costé à M. N. & à la hauteur que le ray occulte B. coupe la ligne taillée, faut encores tirer les lignes O. P. Q. R., & à la hauteur que le ray occulte A. coupe ladiète ligne taillée, faut encores tirer les lignes S T V X. de ces quatrez quarrez icy racourcis seront les plans des quatre premiers pilastres & pour en faire d'autres suyuant, faudra tirer vne ligne a. H. & faut que la distance a. D. soyt comme B. D., puis faut tirer vne ligne occulte de B. a. P. laquelle se tirera iusques à la ligne a. H. & ou elle coupe ladiète ligne au poinct b. se fera la hauteur que doibt estre, les troisiemes arcades autrement soyt tiré du poinct a. au poinct P. vne ligne qui ira iusques à la ligne B. H. & à la section de ladiète ligne faut il tirer les lignes de la fiette des troisiemes arcades, & faire toutes les autres suyuant la mesme raison, apres en faudra faire l'esleuacion par la mesme raison encores & pourrez en faire l'entant quil vous plaira derriere l'un l'autre.

POVR



POVR METTRE EN RACOVRCISSEMENT
VNE FIGVRE CIRCVLAIRES APELLEE DES
ITALIENS MAZOCCO.

Chapitre dixseptiesme.







Oyt faict premierement vn cercle M N O L. & vn autre plus petit P Q R S distant du plus grand de l'espeſſeur que deſirez auoir la mazocco, apres ſoyent leſdicts cercles grauee en autant de parties que deſirez auoir de particions en ladiſte mazocco comme en celle cy il y en a ſeize, ſoyt apres tiree deux lignes paralelles pour faire l'Ortographie de la meſme diſtance que la diſtance des cercles vne ſeruira pour la ligne de terre, l'autre pour la hauteur de la mazocco, apres ſoyt faict vne figure Orthogone entre la diſtance des deux lignes marquee B. D. F. H. I. G. E. C. d'ont A. ſera le centre, & ſoyent tiree les deux autres cercles entre le grand & le petit comme eſt la diſtance des deux angles moyens entre ledict Orthogone ſelon comme il's ſont marquez des lettres de l'Alphabet apres faut grauer ſur l'Ortographie particulierement tous les Orthogones de l'Ignographie, apres ferez le racourciſſement.



'Eſt autre icy eſt doublement grauee & au racourciſſement j'ay tiree vne piece vuide entre deux plaines pour monſtrer comme ſe ſont les angles de derriere, ces figures icy ſont plus difficilles pour la conſtruction qu'elles ne ſont vtiles ie les ay bien voulu mettre icy pour excercer d'auantage le ſtudieux en c'eſt art.

POVR











POVR METTRE VNE BOVLLE EN RACOUR-
CISSEMENT.

Chapitre dixhuitiesme.

L'Ay dict par cy deuant qu'il est besoing de former des angles aux corps qui sont circulaires pour les mettre en racourcissement, i'enseignera encores à ce Chap. à mettre vne boulle ronde en racourcissement. Premièrement, faut faire vne cercle en l'Ortographie & marquer deux poincts A. C. lesquels seront les puiots de ladicte boulle, puis tirer vne ligne droicte de l'un à l'autre, apres faut diuiser ledict cercle en six parties esquidistantes l'une de l'autre, puis tirer vn demy cercle qui sera diuisée en six parties, sçauoir: 1 2 3 4 5 6 7. & raporter chacune partie en l'Ortographie & faire le semblable aux autres parties, puis, faire l'Ignographie en ceste façon: soyt tirée vne ligne I H au droicts angles contre la ligne taillée, soyt prins la distance de ladicte ligne taillée en l'Ortographie au poinct A. laquelle distance sera raportée sur la ligne I. H. au poinct A, puis soyt prins celle C. laquelle sera aussi raportée au poinct C. ce sont les deux puiots de la boulle, apres soyt prins la distance de ladicte ligne taillée en l'Ortographie aux poincts 1. 7. lesquels seront aussi raportée sur ladicte ligne aux mesmes nombres, puis soyt prins la distance 2 iusques à ladicte ligne taillée & aussi la declinaison dudit poinct 2. à l'autre poinct 2. du demy cercle, laquelle distance sera mise depuis la ligne I H. de l'Ignographie au poinct 2. & faire ainsi de tous les autres poincts, puis en faire le rapport en la perspectiue suyuant les reigles ja données.

S'irigaty en sa Pratique de perspectiue, enseignant à faire vne semblable boulle, il faict les plans semblables aux suyuant 1. 2. faisant le petit cercle 1 2 3 4 5 6 7. en l'Ignographie tout ronde ce qui ne doibt estre d'autant que ladicte boulle estant pendante de costé il n'y peut auoir si grande distance de 1 à 7. que la grandeur du Diametre dudit cercle est grand, d'autant que l'on doibt prendre la distance en l'Ortographie de la ligne taillée aux dictz poincts pour les raporter en l'Ignographie, ceste faute ne paroist pas grande en ce present plan, mais si la bouille estoyt d'auantage pendante comme au Chap. suyuant ou sera enseignée pour mettre vn globe en racourcissement & que les plans fussent faicts comme enseigne ledict Sirigaty l'erreur se monstreroit fort grand en la construction.


POVR





POVR METTRE VN GLOBE EN RACOUR- CISSEMENT.

Chapitre dixneuuesme.

CE present Globe faut estre faict premierement en l'Ortographie, & grauer tous les cercles comme au precedent apres faut il faire l'ignographie raportant tous lesdicts cercles sui-
uât leur declinaison en ladicte Ignographie comme le cercle
A. B. faut prendre la distance B. de la ligne taillée & aussi la
distance A de ladicte ligne taillée & poser lesdictes distances
C. D. de l'ignographie, faut tout de mesmes poser tous les au-
tres cercles qui enuironnent le globe selon come il s'en marquee avec leur gra-
duacions, & tirer par apres le rays visuels & en faire le racourcissement. Je n'ay
pas voulu vser icy de renseignement de tous les angles par lettres ou chiffres, & ce
pour euitier confusion, seulement l'on pourra remarquer par ceux qui y sont cha-
cun cercle particulier l'intelligence de la figure passée donnera intelligence à ce-
ste cy.





POVR METTRE VN PONLEVIS EN RA-
COUVRISSEMENT.



Chapitre Vcintiesme.



celle cy.

Oyent faicts les plans dudiect pont & faut noter qu'en l'Ortographie la ligne A B. represente la superficie de la terre & la ligne C. D. represente la superficie de l'eau qui est dans le fosse, l'arcade qui est en la muraille doit estre grauee en l'un & à l'autre plan pour le reste l'imaginacion du studieux seruira plus que le discours que l'on en pourroit faire & ayant desia aprins les figures passez sera facile entendre







P OVR METTRE VNE FORTERESSE PAN- TAGONE EN RACOURCISSEMENT.


Chapitre veint vnième.



Estte Forteresse en forme Pantagone sera faicte en l'ignographie
premierement & d'autant que ce n'est mon bat d'enseigner la con-
struction de faire fortresses ains de enseigner à les mettre en ra-
courcissement si ceste icy n'est faicte avec toutes les raisons requi-
ses au moins le racourcissement en est comme il faut, tous les ba-
stions & ce qui aura este d'esseigné en l'ignographie il le faudra
apres rapporter le tout en l'ortographie avec les hauteurs requises
au rempart profondeur du fosse & generallyment toutes les hau-
teurs, & faut noter que les angles A. B. C. D. E. est la gettée de la murail-
lé qui est iusques en la superficie de l'eau, cest à dire ce qu'elle est plus
large en bas qu'en haut comme il se peut voir en l'ortographie aux mesmes
lettres A B C D, la ligne G H, en l'ortographie representera la super-
ficie de la terre qui est au dessus de la ligne de terre à cause de la
profondeur du fosse lequel est graué sur la ligne de terre, les plans
de ce present racourcissement est plus difficile qu'il n'est à le mettre en
racourcissement.









POVR METTRE VN LUT SVR VNE TABLE
EN RACOURCISSEMENT.

Chapitre vingt-deuxiesme.



Aut premierement faire les plans tant de l'Ignographie que Orthographie du lut & de la table & d'autant que ledict lut n'a poinct d'angle d'ou l'on puisse tirer les rays visuels faut tirer des lignes traufferfantes le corps dudiect lut en l'Ignographie, sçauoir: EF. GH. IL. MN. OP. QR. puis faut prendre la largeur de la premiere ligne EF. & sur la superficie dudiect lut en l'Orthographie, on marquera la aux poincts aussi E F. & pareillement les autres, puis faut tirer des demies cercles d'un chacun desdicts poincts à l'autre, lesquels demies cercles couperont toutes les costes dudiect lut, & par consequent feront plusieurs angles desquels l'on tirera les rays visuels tant de l'Ignographie que Orthographie puis s'en fera le racourcissement en ceste façon, premierement se fera la superficie de la table du lut avec le manche, puis faudra prédre les angles qui traufferfent les costées pour faire lesdictes costées & les rapporter les vn's avec les autres selon comme il's sont marquez des lettres de l'Alphabet, & d'autant que les rays visuels sont icy si proches les vn's des autres il n'est possible de les noter chacun particuliere, c'est pourquoy qui faut auoir recours à l'estude de la figure pour en auoir parfaite intelligence.

POVR




POVR METTRE VN CHAPITEAV DE L'ORDRE
CORINTHE AVEC SON ARCHITRAVE, FRISE,
ET CORNICHE, EN RACOURCISSEMENT.


Chapitre vingt-troisiesme.




Oyt premierement fait le plan en l'Orthographie tant du Chapiteau que de l'Architraue, frise, & corniche, apres il faudra faire l'Ignographie. Premierement faut prendre la distance G F. de la Cime en l'Orthographie & rapporter la mesme distance en l'Ignographie à droicts angles sur la ligne de terre, apres faut tirer du poinct G. au poinct H. vne ligne droicte qui sera le largeur de la porcion que pourrez veoir de ladiete corniche de front car si desirez en veoir d'auantage il faudroit tirer ladiete ligne plus loing, apres prenez la distance de la ligne taillée de l'Orthographie au poinct I. & posez ladiete distance en l'Ignographie laquelle sera des deux costez aux lignes L M. & ainsi de poinct en poinct viendrez à poser toutes les distances sur l'Ignographie comme il's sont en l'Orthographie de tous les membres de la corniche de la frise & architraue apres viendrez à rapporter le tronc d'enhaut de la colomne, laquelle diuisez en huit parties esgualles pour y construire les membres & fueillages du chapiteau, selon qu'il est requis & monstre par les ordres des colomnes, auxquelles le Lecteur aura recours d'autant que cela despend de l'Architecture & non de la perspectiue, & apres que ledict plan du chapiteau sera fait, il faudra rapporter la distance D. de la ligne taillée de l'Ignographie à l'Orthographie, d'autant que c'est la partie du chapiteau dicte Abeco, ou cimaise, qui va en ligne courbe comme aussi vont tous les fueillages desquels l'on tirera seulement vn ray visuel de chacun pour esuiter confusion, & apres que tous lesdicts rayes visuels seront tirés de tous les membres, le racourcissement se fera & faut noter que toutes les dentelles qui doibuent estre en l'Orthographie ne sont marquées d'autant que ceust esté vne trop grande confusion de tirer les rayes visuels desdictes dentelles qui se pourront facilement poser en la perspectiue suyuant seulement les mesures de l'Ignographie ou lesdictes dentelles sont marquées, ie n'ay point voulu mettre les quatres autres ordres icy d'autant que cestuy-cy est le plus difficile & celui qui le sçaura faire fera bien les autres.

POVR







POVR METTRE VNE FONTEINE EN RA-
COUVCISSEMENT.

Chapitre vingtquatriesme.





SOyt le bassin de la fontaine en figure Ortogone de vingt & quatre pieds de diametre d'ont l'ignographie sera marquée ABCDEFGH. dans lequel bassin sera vn arc quarré au dessus duquel sera vn petit rocher d'ou sortira l'eau par des petits tiaux qui sont à fleur de l'eau, laquelle ca retombera dans le bassin au dessus du rocher & de la viendra à couller au long dudit rocher par les quatre costez sur vn bassin qui enuironnera le dessus de l'arc, de la viendra à descendre par vn tuyau qui sera dans vn des pilliers de l'arc & reuiendra à ietter par vn autre petit rocher qui sera faict au dessous de l'arc, tout l'ouurage est enrichy de petites coquilles & rocher de mer, ayant faict les deux plans le racourcissement sera facile à faire, quand à la Corniche du bassin ie ne l'ay mise aux plans d'autant que ladiète corinche se peut facilement faire sur le racourcissement mesmes.

POVR









POVR PEINDRE CONTRE LA MVRAILLE
D'VN IARDIN VN SEMBLABLE IARDIN COMME CELVY



QVIY EST OV VN AVTRE, EN SORTE QVE QVAND
LON SERA ESLOIGNE DE CENT PIEDS DE LADICTE
MVRAILLE EN VNE FENESTRE DE TRENTÉ CINC
PIEDS DE HAVT, IL SEMBLERA QVE LEDICT IARDIN
PEINT SOYT NATVREL ET CONTIGENT A CELVY
QVI EST NATVREL.


Chapitre vingt-cinquiesme.



Oyt vn Iardin de cent pieds en quarré d'ont l'ignographie
sera marquée A B C D. il faudra faire encores vn autre Iardin
derriere marqué E F G H. le premier est le Iardin naturel, le
second est celuy qui doit estre peint cōtre la muraille du
dict Iardin, auquel faut faire les parterres & les hayes, &
mesmement les arbres, mais (de peur de confusion & me-
smement que ce plan est fort petit) ie n'ay marqué que
les quatre parterres & vne fontaine au milieu, le tout sera aussi marqué en
l'ortographie, & tirez les rays visuels d'un poinct qui sera à l'entrée du pre-
mier Iardin sçavoir 100. pieds de loing & trente cinc pieds de haut, apres
le racourcissement en sera faict suyuant les raisons demonstrees par-cy de-
uant, or cecy seruira de demonstracion comme il faut peindre des passages
ou Iardins contre des murailles de Iardins, lesquels pour se bien voir, faut
qui soyent veües d'une fenestre haute, à celle fin que les parterres & ce qui
sera veu soyt vn peu plus haute forme pour y pouoir remarquer les che-
mins & parterres mieux former comme cestuy-cy duquel j'ay voulu en
donner la demonstracion en ceste sorte: Soynt leués ledict Iardin perspectiue
sur le papier à droicts angles, & soynt aussi esleué le bastiment de la maison
sur la ligne C. D. à droicts angles aussi, alors ledict Iardin en perspectiue
sera veu en son naturel & contingent à l'autre naturel du poinct ou fenestre
A. de sorte que quand il sera besoing de faire quelque peinture de Iardin
bastiment ou quelque chose que ce soyt contre vne muraille: Il est neces-
saire d'observer toutes ces reigles icy & ascoier le poinct de veüe à la fen-
estre ou place qui regarde la muraille le mieux à propos, & quand la pein-
ture sera faicte suyuant ses raisons elle sera imitée & semblable à la vraye
nature, & ne restera que les couleurs qui est vne pratique en laquelle il ny
à poinct de demonstracion.

POVR






POVR METTRE VNE SVPERFICIE PLANE
 QVARRÉ EN RACOVRCISSEMENT DVNE
 FACON EXTRAORDINAIRE.

Chapitre vingt-sixiesme.



L y à vne autre façon de mettre en racourçissement de sorte que ledict racourçissement semblera estre hors de sa nature & extrauagant & n'eaumoin^s estant veu de son poinct de veüe il representera la chose racourcie en son naturel, or de ces racourçissements ainsi extrauagans, on en peut peindre contre vne muraille d'une galerie ou chambre, en sorte que quand la peinture ou racourçissement sera veüe de front, l'on ne cognoistra rien que des couleurs, sans pouuoir discerner ce que ce peut estre, mais estant veu de son poinct de veüe alors l'on cognoistra ce que c'est, j'en donneray quelques exemples & commenceray par vne superficie plane quarrée laquelle est marquée A. B. C. D. en l'ignographie, & le poinct d'esloignement E auquel sont tirée les quatre rays visuels 1. 2. 3. 4. apres se fera l'ortographie & le poinct de hauteur F. de pareille esloignement de la ligne taillée que E, auquel l'on tirera aussi les deux rays visuels 1. 2. & 3. 4. apres l'on en fera le raport au racourçissement marquée 1. 2. 3. 4. lequel racourçissement estant veüe de front semble qui soyt beaucoup longe, mais estant veüe de son poinct de veüe, il representera son quarré parfait, ledict poinct de veüe sera vn petit pertuis au carton marqué E. lequel il faut tenir à droicts angles sur le papier, & voir le racourçissement à trauers le petit pertuis du carton mettant vn oeil tout pres dudit pertuis & serrant l'autre, & encores que ce racourçissement semble estrange si est ce qui se fait & se demonstre par les raisons ordinaires, comme il's sont demonstrées au commencement de ce Liure, & n'y à autre difference sinon que la situacion des poincts de veüe & d'esloignement lesquels sont aux ordinaires esloigne de la figure le plus loing que l'on peut pour à celle fin d'auoir la figure d'une belle forme au racourçissement, mais à cestuy-cy lesdicts poincts sont au contraire fort pres, & aussi pour augmenter la diformité le poinct d'hauteur est fort haut qui est cause d'une grande distance entre les deux rays visuels 1. 2. & 3. 4.



AVTRE FACON DE METTRE VNE SVPER-
FICIE Q VARRE EN RACOVRCISSEMENT.


Chapitre vingt septiesme.



L y à encores vne autre façon pour représenter la chose visible hors de sa nature veüe de front de laquelle ie donneray le present exemple soyt vn quarré duquel l'Ortographie soyt marqué A. B. C. D. & l'Ortographie A. C. le poinct desloignement E, & le poinct d'hauteur F. soyt tiré les rays visuels de chacun des poincts aux plans, & apres soyt fait le racourcissement 1. 2. 3. 4. & pour scauoir le poinct de veüe d'ou il faut voir le racourcissement, l'on dressera vne ligne perpendiculaire sur le poinct 3. & prendrés la distance en l'Ignographie de ladiète ligne au poinct d'esloignement E. prendrez aussi la hauteur en l'Ortographie de la ligne de terre au poinct de hauteur F pour dresser ladiète hauteur sur la ligne de terre du racourcissement G. au poinct H. à la distance 3. H., & sur ledict poinct H. il y à vn petit carton avec vn pertuis L. qui est le pertuis d'ou il faut voir ledict quarré racourci en son naturel, la distance L H. est prinse de esloignement du poinct E. ou F. à la ligne taillée & n'y à autre difference de ce racourcissement à l'autre, sinon que la deformité de celui-cy est causée par l'aprochement du poinct d'esloignement à la ligne taillée & esloignement dudiect poinct à l'Ignographie, ou l'autre precedent est cause dudiect aprochement du poinct d'esloignement & hauteur du poinct de hauteur, tellement que celui-cy est long & l'autre est haut.

POVR





POVR METTRE VNE TESTE EN RACOUR.
CISSEMENT LAQUELLE L'ON NE POVRA
RECOGNOISTRE SI ON NE LA VOID DE
SON POINT DE VEVE.

Chapitre vingt-huictiesme.




Oyt fait premierement vn quarré A. B. C. D. lequel sera mis en racourçissement suyuant celuy 25^{me}. Chapitre, apres faut pourtraire vne teste ou ce que l'on vouldra audict quarré, & le grauer en plusieurs petits quarrez esgaux tant en l'ignographie qu'ortographie, il y en a cy seize, lesquels il faudra faire aussi au racourçissement en ceste maniere tirer deux lignes diagonales d'un angle à l'autre du quarré racourçi, & ou il's se croyseront, sera le milieu dudit quarré racourçi, apres en faire encores autant de chacune de ses moyties, & l'on aura le racourçissement party en seize parties, apres il faudra vser de pratique pour raporter tous les lineaments de ladicte teste sur lesdicts quarrez racourçis comme il's sont sur l'ignographie, si l'on y vouloit apporter plus de certitude aux lineamens il faudroit faire encores vne-fois autant de quarrés ce que ie n'ay voulu faire craignant d'embrouiller la figure, quand au poinct de veüe d'ou ledict racourçissement se doit voir il sera pertuis du carton F, auquel il faut aposer vn œil, & ferrer l'autre, il se pourroit aussi faire des visages apres le naturel & toutes sortes d'histoires suyuant la mesme pratique.

POVR



E°



POVR METTRE VNE FIGVRE EN RACOV-
 CISSEMENT EN LAQ VELLE ESTANT VEV HORS
 DE SON POINT L'ON NE LE POVRRRA COG-
 NOISTRE.



Chapitre vingt neufiesme.




Este presente figure se fera suyuant les mesmes raisons de la precedente, laquelle est en fort petite forme pour se bien représenter, car en ces façons de racourçissements, les plus grandes formes se monstrent tousiours les plus parfaictes, mais le papier ne m'a permis icy de la faire plus grande, il faut aussi noter que la muraille (ou chose que ce soyt, ou ces racourçissements doibuent estre faictz) doibt estre fort droicte, à cause que regardant la chose du poinct de veüe l'on y pourroyt remarquer des grandes fautes s'il y auoyt des bofes ou profonditez en ladiète muraille. Quand à ceste façon de racourçir elle est fort plaïsante, & on le pourroit vsfer en plusieurs choses, comme en galeries, ou murailles des salles ou chambres, qui seroit vne belle chose à voir pour la rarité & difficulté d'imiter, l'on en pourroit contrefaire aussi des pourtraicts apres le naturel, & ne fera mal quand l'on viendra à raporter les lineaments du plan sur le racourçissement de regarder souuent par le pertuis ou poinct de veüe pour voir si la chose que l'on faict se raporte à celle du plan.

POVR







POVR FAIRE VNE ESCRITVRE CONTRE
VNE MVRAILLE HAVTE D'ONT LES LETTRES
PAROISTRONT DE PAREILLE GRANDEVR
LES HAVTES COMME LES BAS.


Chapitre trentiesme.



Oyt vne muraille droiçte marquée B C D E. contre laquelle il faut faire plusieurs escritures en haut comme en bas. Faut premierement escrire quelque chose (à la hauteur de l'œil) contre ladiçte muraille , puis se reculer en sorte que l'on puisse voir & lire ladiçte escriture aisement, comme si ladiçte muraille est de cinquante pieds de haut l'esloignement de l'œil sera pour le moins de vingt & cinq pieds & au plus de cinquante, apres faut il faire vn demy cercle F G. & tirer des rays visuels sur les poinçts *a. b.* qui est la largeur de la ligne escrite la plus prochaine de l'œil , apres faut prendre la largeur *c. d.* sur le demy cercle & faire toutes les largeurs sur lediçt demy cercle semblables, lesquelles s'yront s'eslargissant contre la muraille, tellement que toutes les largeurs des lignes seront veües avec angles esgaux & par consequent l'escriture paroitra esgualle l'une à l'autre, Albert Durer à faiçt ceste demonstracion en son liure de Geometrie laquelle j'ay bien voullu mettre icy pour ne rien obmettre de ce qui d'epend de la veüe.

POVR





FAIRE PAROISTRE LES PRECEDEN-
TES LETTRES ESGVALLSEEN LA LONGEVR
DVNE MVRAILLE.


Chapitre trent-unesme.



Ais si la muraille estoit fort loing & que les precedentes lettres fussent tout au loing, il faudroit faire à chacune ligne le racourçissement, sçavoir rendre ce qui est esloigné en longueur sous pareil angle, comme le plus proche, & pour ce faire ie donneray c'est exemple, soyt la longueur de la muraille en l'ignographie D. E. soyt le poinct d'esloignement B. faut tirer vne ligne à droicts angles au poinct C. & faire le demy cercle L. M. lequel faut qu'il atouche la muraille au poinct C. puis tirer deux rays visuels B. D. & B. E. apres faut faire l'Orthographie, premierement, faire la hauteur de la muraille N. O. puis faire le poinct d'hauteur A. de pareil esloignement comme C. B. faut apres prendre la distance P. D. & la mettre derriere la muraille en l'Orthographie R. Q. tellement que la ligne R Q. sera aussi esloignée du poinct d'hauteur A. comme D. est esloigné de B. apres soyt tiré du poinct d'hauteur vne ligne horizontale iusques à I. & soyt fait la largeur des lignes entre lesquelles l'on desir d'escrire au poincts F G. & soyt tiré vn ray visuel du poinct d'hauteur à F. iusques au poinct H. tellement que la largeur H. I. se monstrera esgualle à F G d'autant que lesdictes deux largeurs sont sous mesme angle & par le sixiesme theoreme il est monstre que les choses qui se voyent sous pareil angle se montrent entre elles esgualles, ainsi de ces deux largeurs l'on en fera le raport aux deux lignes H F H. I G I. & ce qui sera escrit entre deux paroistra esgal estant veu de la distance B C. & la hauteur A. S.

DES





DES OMBRES.

LIVRE DEUXIESME.



Pres auoir traicte suffisamment & demonstté la maniere de mettre toutes sortes de figures en plan & en faire le racourcissement, a present ie monstrey la facon de mettre & poser l'ombre a la figure racourcie, & deuant que de faire aucune demonstracion, ie donneray aucuns enseignemens a ceux qui voudront auoir la cognoissance de ceste science, cest premierement, qu'il faut considerer que la lumiere qui donne sur tout ce qui est veu, est esclairée par la lumiere du Soleil, ou d'une chandelle ou autre feu quel qu'il soy. Or est il que aucune fois & le plus souuent que le Soleil est couuert de nuées, tellement qu'il ne peut ietter ses rayons sur la terre qui est cause que tout ce qui est veu du firmament ne reçoit aucune ombre, mais le Soleil venant a ietter ses rayons, il est certain, que cela rendra ombre ou ses rays n'en pourront arriuer, & encores que le Soleil soy d'une grandeur extreme, & (selon le dire d'aucuns) cent soixante & six fois plus grande que le globe de la terre, si est ce que ceste grandeur n'est qu'un point au regard de ses rayons qui iette en infinité, non seulement sur la terre, mais tout a l'entour de luy, car il est certain que les estoilles mesmes qui sont au dessus du Soleil, sont illuminées par ses rayons. Or ces raisons me donneront licence de dire, que le Soleil est le point de lumiere, & que tout ce qu'il regarde, reçoit lumiere, & au contraire ce qui ne peut voir, reçoit ombre, or, ceste lumiere procedante du Soleil, est la premiere & principale lumiere de toutes laquelle est naturelle tousiours luisant esgalement, car le Soleil ne reçoit aucune alteration, & y a aucuns qui osent dire & escrire que le Soleil perd sa lumiere quand il est Eclipse solaire, il est bien certain que cela nous empesche de le voir a cause du corps de la Lune qui est entre deux, comme par comparaison, si la main estoit entre l'œil & une chandelle, la chandelle ne seroit esteinte pourtant, mais nous ne la pourrions voir, tellement que cest erreur de penser que le Soleil reçoit aucun changement en son Eclipse comme fait la Lune, laquelle est esteinte ou obscurcie a cause de la terre, qui est entre deux, j'ay mis icy ce qu'en dict le Docte Bartas sur ce subiect.

Non

Non que tousiours Phæbus de ses rays n'illumine
 La moitié pour le moins de ta face diuine,
 Mais, il semble autrement à l'œil qui ne void pas
 Que de ton globe rond l'Emisphere d'embas
 Bien que croissant vers nous, vers le ciel tu décroisses,
 Que vers nous décroissant deuers le ciel tu croisses :
 Toutefois il aduient, lors mesmes que ton front
 En son plus haut chemin nous aparoit tout rond,
 Et que le voile espais d'un bigarre nuage,
 Ne nous peut desrober les rays de ton visage,
 Que ton argent s'efface, & que ton teint souille
 Se conure de l'acier d'un rondache rouille,
 Car ton front se trouuant durant son cours oblique
 Vis à vis du Soleil en la ligne Eclipsique,
 Et la terre entre deux, tu perds ce lustre beau
 Que tu tiens à profit du fraternel flambeau.

Mais, pour te reuancher de la terre qui garde
 Que pour lors front à front Phæbus ne te regarde :
 Ton espaisse rondueur se loge quelque fois
 Entre Phæbus & nous sur la fin de ton mois,
 Et d'autant que les rays qui partent de sa face,
 Ne trauersent les pais de ton obscure masse,
 Phæbus comme subiect aux douleurs du trispas,
 Semble estre sans clarté bien qui ne le soyt pas.

Le Soleil doncques est la seule lumiere qui esclaire tout le monde, cest à dire
 la terre & le ciel, car le monde comprend tout, tellement que voullant peindre
 vn passage ou histoire de figures qui n'ont autre couuerture que le ciel, il
 y faudra mettre vn poinct de lumiere, lequel, tout ce qui regarde, receura
 lumiere, & ce qui ne peut voir à cause de quelque obiect au deuant, sera
 ombragé, & quand aux corps ou figures qui seront dans vne chambre ou
 galerie encores qu'il y aye plusieurs fenestres, si est-ce qu'il en faudra choisir
 vne & à celle la aposer vn petit poinct d'ou toute la lumiere vienne, ver-
 ritablement la curieuse recherche du peintre pourroit ombrer tout ce qui est
 dedans vne galerie mise en perspectiue, ou il y auroit plusieurs fenestres que
 chacune fenestre donneroit la lumiere d'un poinct, & par consequent plu-
 sieurs poincts de lumiere, mais cela ne sauroit estre fait sans grande diffi-
 culté, laquelle ie veux esuiter autant que faire ce pourra.


DES

DES DIVERSES SORTES DE CLAIRTEZ.

L'Ay dict cy deuant que la chose est esclairée ou les rays procedants du poinct de lumiere arriuent, or il y peut auoir deux choses ou plusieurs de pareille couleur & de pareil esloignement dudict poinct de lumiere, mais de diuers aspect lesquelles choses l'une sera plus claire que l'autre, la raison de cecy est que tout ce qui est esclairé du poinct de lumiere ou les rays visuels arriuent les plus à droiçts angles la chose sera plus claire comme par exemple: soyt les deux cubes marquez l'un D. E. F. & l'autre B C A. soyt le poinct de lumiere d'esloignement G & celuy d'hauteur H apres soyt tiré les rays de lumiere du poinct d'esloignement G aux angles des cubes passant outre à discrecion, il se peut voir que le costé d'un des cubes A est plus oposé & à droiçts angles du poinct de lumiere que le costé B. cest à dire que la lumiere frappe plus droiçt contre le costé A. qu'à celuy B. & à l'autre cube il se peut encores voir que le poinct de lumiere G frappe plus droiçt contre le costé F. qu'à celuy D. apres il faut tirer les rays de lumiere du poinct d'hauteur H sur la ligne de terre, lesquels rays donneront sur les dessus des cubes C. & E plus droiçts encores que aux autres tellement que le costé C qui est plus droiçt & plus pres du poinct de lumiere sera le plus clair celuy E. & celuy A. sera de la premiere ombre celuy D de la seconde, & celuy B de la troisieme, tellement que nous auons icy trois costez ombres differemment, lesquels costez reçoient tous lumiere, ainsi l'on pourra vser en toutes choses qui reçoient lumiere que ce qui est plus pres & plus droiçt contre ladiçte lumiere soyt le plus clair.

DES





DES DIVERSES SORTES


D'OMBRES.



Out ainsi comme il y à diuerſes ſortes de clairtez , auſſi y à il de diuerſes ſortes d'ombres d'eſquelles i'en donneray icy vne exexmple: ſoyt le cube en l'Ignographie marqué A B C & en l'Ortographie c. ſoyt le point de lumiere d'eſloignement D. & le point de lumiere de hauteur E deſquels l'on tirera les rays de lumiere , il faudra apres faire le racourciſſement tant de cube comme de la ſuperficie de l'ombre que ledict cube donne, comme il ſera enſeigné au chapitre ſecond, il ſe peut voir que le coſté B. eſt beaucoup plus racourcy que A. qui eſt veu de front, tellement que l'ombre en ſera auſſi beaucoup plus obſcure, quand à l'ombre que donne ledict cube ſur la terre elle ſera auſſi plus forte pres dudiect cube que ſur les bords laquelle ſe doit aller en perdant tellement que de ceſte diuerſité des ombres nous en noterons trois, ſçauoir la premiere la plus claire, la deuxieſme plus obſcure, & la troiſieſme la plus obſcure, l'on en pourroyt noter d'auantage , mais à mon aduiſ l'on peur rendre toute peinture excellente pratiquant ceſte diuerſité de clairtez & d'ombres, ayant touſiours eſguard en ce nombre de trois, il eſt bien vray qu'il y à pluſieurs (& la plus part) des peintres qui ne prennent garde à ceſte diuerſité, faiſant quelque-fois paroistre vne clarté ou l'ombrage deuoir eſtre , & les peintures ne laiſſent pourtant à ſe bien monſtrer veritablement elles ſe monſteroyent encores mieux ſi elles eſtoient faiçtes avec la raiſon laquelle la nature ne nous cache point, car il eſt certain que la peinture la mieux faiçte eſt celle qui aproche le plus du naturel , or la nature eſtant la raiſon meſme la peinture d'ont doit eſtre raiſonnable, c'eſt à dire qu'elle ſoyſ faiçte avec la raiſon, laquel raiſon deſpend de la perſpectiue & des ombres, car la ſcience de poſer les couleurs eſt facile au reſpect des lineaments & ombres.

POVR





POVR METTRE VNE VERGETTE EN RA- COVR CISSEMENT AVEC SON

OMBRE.



Chapitre premiere.



Oyt la vergette marquée A B. en l'Ortographie, & d'autant qu'elle est droicte perpendiculaire sur la terre l'ignographie ne fera qu'un petit cercle C. soyt le poinct d'ellognement E & le poinct de hauteur D. soyt tirées les rays visuels & soyt ladiète vergette mise en racourçissement en la figure F G. & pour y apporter l'ombre faut premierement faire deux poincts de lumiere l'un haut esleue qui sera en l'Ortographie, l'autre contre le plan de la terre ou est posée la vergette en l'ignographie, soyt apres tiré vn ray de lumiere du poinct de l'Ortographie à la poincte de la vergette allant iusques sur la ligne de terre, apres soyt tiré vn autre ray de l'autre poinct de l'ignographie à ladiète vergette, lequel faut aprocher aussi pres de la ligne taillée comme la distance H ou le ray de lumiere donne contre terre, puis desdicts poincts I. & H. faut tirer les rays visuels & les rapporter au poinct L. du racourçissement, ledict poinct L. sera l'ombre de la poincte de la vergette, faut apres tirer l'ombre dudit poinct au pied de la vergette, ainsi aurez l'ombre de ladiète vergette, & si desirez rapporter le poinct de lumiere au racourçissement faudra aussi tirer les rayz visuels d'iceluy au poinct de hauteur & tirer auili vn autre ray visuel du poinct M. qui est l'assiette du poinct de hauteur, & apres tirer le ray du poinct O. & rapporter lesdicts rays au racourçissement & l'on aura le poinct de lumiere tant de hauteur que de profondeur.

POVR





POVR METTRE VN CVBE EN RACOV-
CISSEMENT AVEC SON OMBRE.


Chapitre deuxiesme.




Oyt l'ignographie du cube marqué A B C D. & l'Orthographie A C E F. le poinct d'esloignement I & le poinct de hauteur L, soyent tirées les rays visuels de l'un & l'autre poinct & mis en racourcissement selon les raisons cy devant monstrées, apres soyt posé les poincts de lumiere scavoir celuy de l'ignographie M & de l'Orthographie N. & soyt tiré dudit poinct N les rays de lumiere des poincts E. & F. iusques à la ligne de terre, apres soyt tiré de l'autre poinct de lumiere M. les rays de lumiere des angles du cube A. B. D. & soyt prins la distance de la ligne taillée au poinct O. laquelle sera rapportée sur ladicte ligne taillée de l'ignographie iusques à l'atouchement des deux rays de lumiere au poincts Q R puis faut en faire autant de la distance P. de la ligne taillée laquelle sera rapportée sur le ray de lumiere au poinct S. puis faut tirer les lignes ocultes S R Q. tellement que la superficie A Q R B. sera l'ombre du costé de derriere du cube & B R S D. sera l'ombre du costé. F E C D. apres faut mettre ladicte ombre en racourcissement comme vne superficie plane & en faire le raport avec le cube.

IL y à vne autre façon de mettre les ombres en racourcissement, laquelle enseigne Albert Durer en son liure de Geometrie qui est apres que l'on aura assis les poincts de lumiere tant d'hauteur que de longueur tirer les rays visuels aux diets poincts iusques à la ligne taillée puis rapporter la hauteur de T V qui est la hauteur de celuy de l'Orthographie en la largeur X de la ligne taillée de l'ignographie, puis du poinct N tirer des rays de lumiere outre les angles H E F iusques à ce qui touchent les autres rays qui seront tirées du poinct d'enbas M aux angles du cube C D B & à l'atouchement qui se feront l'un avec l'autre se feront les mesmes poincts Q. R. S. faicts au precedent tellement que l'une maniere se raporte à l'autre, mais quand il y à plusieurs corps diuers irregulierement posées la premiere maniere est la plus facile comme sera monstré par cy apres aussi elle est vn peu plus longe.

POVR







POVR METTRE VN CORPS ORTOGONE
EN RACOVRCISSEMENT AVEC SON OMBRE.

Chapitre troiesme.

DRemierement soyent faicts les plans & tirez les rays visuels comme il's sont cy dessus, apres faictes le racourcissement, apres faudra faire d'autres semblables plans pour faire l'ombre ou seront les deux poincts de lumiere A & B & d'iceux faut tirer les rays de lumiere de chacun angle du corps de l'Ortographie iusques à la ligne de terre, puis faut mesurer la distance de D en la ligne taillée, & tirer les rays de lumiere en l'ignographie des angles C de pareil esloignement de la ligne taillée & faudra faire le semblable de tous les autres angles, & aussi tirer les rays de lumiere qui donnent dans le corps dudit Ortogone & en faire le mesme raport les vn's avec les autres selon comme les lettres sont marquées, & comme l'ombre du costé de deuant marque C. C. vient au deça de la ligne taillée aussi il faut tirer le ray de lumiere de D à la ligne taillée & en faire le raport au dessoubs de ladiète ligne comme il se peut voir en la figure à laquelle il faut auoir recours pour estudier dessus, car l'escriture n'est assez capable de donner l'intelligence de cecy & pour y apporter moins de confusion j'ay faict les plans du racourcissement apart, à celle fin que les rays visuels ne se mellent avec ceux de lumiere.

POVR






POVR POSER L'OMBRE A VN PILLIER
 Q VARRE LAQVELLE OMBRE DONNERA CON-
 TRE VNE MVRAILLE DROICTE, ET PAREILLE-
 MENT DE METTRE L'OMBRE A VNE TABLE
 ET A VN CVBE.

Chapitre quatriesme.

SOyt faict l'Ignographie & Ortographie d'une chambre dans laquelle il y aura vn pillier quarre marqué A B C D lequel sera mis en racourcissement premier que de faire aucuns rays de lumiere, apres soyent faicts les poincts de lumiere en l'Ignographie E & en l'Ortographie F soyent apres tirées les rays de lumiere en l'Ignographie des angles A D. qui sont les extremitées du pillier, lesquels rays donneront contre la muraille aux poincts G H. soyent apres tiré desdicts poincts G H deux rays visuels au poinct d'esloignement, apres faut rapporter au racourcissement lesdicts rays contre la muraille en ceste façon soyt prins la distance I L. sur la ligne taillée, laquelle sera rapportée à M N. & I. O. à M P. soyent apres tirées deux lignes perpendiculaires sur N P iusques au plancher de la chambre & soyent tirées apres N Q & P R en haut comme en bas, alors aurez l'ombre plané & la droicte du dict pillier & ne sera besoing de se seruir du poinct de l'Ortographie, quand à l'ombre de la table & du cube, la figure demonstrera le moyen de la faire, ie n'ay voulu embrouiller la figure de lettres pour éviter confusion & mesmement que le cube precedent donnera l'enseignement comme cestuy est faict.

POVR



POVR METTRE DEVX PILLIERS QVI SOV-
STIENNENT VNE TABLETTE EN RACOV-
CISSEMENT AVEC LEVRS OMBRES.


Chapitre cinquiesme.



Oyent faiçts les plans de l'Ortographie & Ignographie, & que le racourçissement soyt aussi faiçt tout pres pour y ap-
fer l'ombre, apres faudra encores faire deux semblables
plans ausquels l'on tirera les rays de lumiere des poinçts de
lumiere d'hauteur & de longueur, lesquels rays donneront
tous contre la muraille derriere les pilliers, apres soyt tiré
de chacun angle de ladiçte muraille des rays visuels les-
quels seront mis en racourçissement en la perspective en ceste sorte soyt prins la
hauteur du ray visuel G. en la ligne taillée tant en l'Ortographie qu'en l'Ignogra-
phie lequel sera raporté au racourçissement au poinçt G. soyt apres prins le poinçt
N en l'Ortographie, & raporté lediçt poinçt perpendiculaire soubs G. car tout
ce qui est à droiçts angles sur la ligne de terre rend son ombre perpendicu-
laire contre vne muraille, apres soyt prins la distance du ray visuel M. en
l'Ignographie qui sera raporté à la mesme hauteur de N. au racourçissement
au poinçt M. soyt apres prins la distance H. I. qui est l'ombre des pilliers
contre la muraille & aussi L. M. qui est l'ombre de l'autre pillier, lesquels
ombres faut tirer en bas iusques contre terre, & les tirer apres des poinçts
qu'ils atouchent la terre iusques aux diçts pilliers, ainsi aurez l'ombre des
deux pilliers & de la tablette, & ceste demonstration seruira pour aprendre
à rendre l'ombre aux colomnes ayant leur architraues frises & corniches,
comme sera demonstté par cy apres.

POVR





point de vue
de l'interieur

point de
vue de
l'exterieur

POVR METTRE VN CVBE SVR VNE TA-
BLETTE EN RACOVRCISSEMENT AVEC L'OMBRE
TANT DV CVBE QVE DE LA TABLETTE.




Chapitre sixiesme.



Aut faire le plan du cube sur la tablette dans vne cham-
bre (à celle fin de demonstrier comme les ombres se doib-
uent faire contre les murailles d'une chambre) & quand
le tout sera mis en racourcissement. Soyt posé les poinçts
de lumiere en l'ignographie & ortographie A & B apres
foyent tirés les rays de lumiere premierement en l'orto-
graphie des angles du cube & de la tablette ainsi l'angle
du cube C donnera contre la muraille au poinçt 3. & l'angle marqué D
donnera au poinçt 4. l'angle marque E. donnera au poinçt occulte 5. der-
riere le cube, faut rapporter tous lesdicts poinçts au racourcissement & ou le
ray de lumiere coupe la tablette au poinçt G il faut tirer vn ray visuel & le
raporter au racourcissement & tirer vne perpendiculaire iusques contre la
terre au poinçt H. du racourcissement & pareillement du poinçt 3. faudra
tirer en bas vne perpendiculaire iusques sur la terre au poinçt 1. & tirer les
lignes ocultes F. G. H. I. 3. 4. 5. puis faire l'ombre comme il se peut voir en
la figure. Or d'autant que l'angle du cube L. n'est posé sur la tablette, il iet-
tera son ombre contre vn des costez de ladiçte tablette, il faudra tirer les
rays de lumiere dudiçt angle audict costé en l'vn & à l'autre plan, & en fai-
re le raport au racourcissement au poinçt M, apres faut faire l'ombre sur la ta-
blette.

POVR







POVR METTRE VNE CROIS EN RACOUR-
CISSEMENT AVEC SON OMBRE.



Chapitre septiesme.

SOyent les deux plans de la crois faicts laquelle sera plantée sur deux degrez ou tablettes & faudra en faire le racourcissement premier que faire les ombres, apres soyent faicts deux semblables plans pour aposer l'ombre, & soyt le poinct de lumiere d'hauteur M. & celuy de longueur N. soyt apres desdicts poincts tirées tous les rays de lumiere de chacun angle de la figure de l'Ortographie iusques à la ligne de terre, apres soyent tirées les lignes ocultes paralleles à la ligne taillée en telle maniere que la ligne oculte partant du poinct F. qui est le rayon des angles A B. se viendra ioindre aux rays partans des mesmes angles de l'Ignographie lesquels se ioignent aux poincts E G alors l'on tirera les rayons visuels desdicts poincts E G du poinct d'esloignement & aussi celuy du poinct F au poinct d'hauteur, & faudra raporter lesdicts poincts au racourcissement E G & apres faut tirer des angles C D tant de l'Ortographie comme de l'Ignographie les rays tant de lumiere que visuels, & les raporter encores en la mesme façon comme les susdicts & apres les mettre encores au racourcissement, apres faudra en faire autant des autres angles du trauers de la Crois & les raporter en la mesme façon, & d'autant que les degrez sont esleuez & que l'ombre de l'arbre droict de la Crois bat sur iceux faut tirer à A. C. de l'Ignographie deux lignes ocultes paralleles iusques à l'esleuation du degre en l'Ortographie & du poinct de ladicte esleuation l'on tirera les rays visuels & les faudra encores raporter au racourcissement, & ainsi faire iusques à l'acheuement.

POVR









POVR PEINDRE CONTRE LA MVRAILLE
D'VNE CHAMBRE VNE CONTINUATION DE LA-
DICTE CHAMBRE AVEC AUCVNES FIGVRES,
ET AVSSI POSER LES OMBRES A TOVT
CE Q VI EST PEINT DANS LADICTE
CHAMBRE.


Chapitre huitiesme.





A grande quantité de peintures mal ordonnées tant pour le poinct de veüe que pour l'ombre me faict donner icy aucuns enseignemens pour acommoder ce que l'on voudra peindre à representer naturellement la chose que l'on desire, premierement il faut noter suyuant le quatriesme Teoreme que les choses qui sont au deslous de l'horizon se voyent par le dessus tellement qu'il y à plusieurs tableaux & mesmement des murailles ou sont représentées des tables, paucements & autres choses semblables qui se doibuent voir par le dessus & doibuent estre au deslous de l'horizon neaumoints la plus part desdictes peintures sont esleuées si haut que lesdictes tables & paucements sont au dessus de l'horizon ce qui est contraire à la nature & mesmement l'on y voit à aucuns des anges ou figures hautes esleuées en l'air qui sont faictes comme cy c'estoyt pour les voir de haut en bas, c'est pourquoy si l'on desire d'acommoder aucunes peintures selon le poinct de veüe il faut necessairement que ladicte peinture soyt aussi bas que le niveau de la terre ou de la chambre ou elle doit estre & faire le poinct de veüe iustement de la hauteur de l'œil viron cinc pieds & demy ou six pieds & tirer toutes les lignes selon les reigles de la perspectiue audict poinct comme ie donneray icy vne exemple. Soynt vne muraille d'vne chambre longue de 22. pieds & haute de 14. contre laquelle ie desire peindre vne continuation de ladicte Chambre avec quelques figures dedans, premierement faut faire les plans de ladicte chambre & de tout ce que l'on desire qui soyt dedans & en faire le racourcissement suyuant comme il se peut voir aux figures desdicts plans ou i'ay mis deux figures qui se promenant & vne assise pres du feu tenant vn liure en sa main & vne table & vn liët, quand le tout sera mis en racourcissement, si desirez y apposer l'ombre il faudra faire deux autres plans & faire le poinct de lumiere à l'vne des fenestres s'il y en auoit vne naturelle en ladicte chambre du mesme costé de la muraille peinte, sinon prendre ladicte lumiere d'vne autre fenestre de l'autre costé de ladicte peinture & dudit poinct de lumiere tirer tous les rays de lumiere, lesquels faudra mettre en racourcissement comme à este enseigne, & quand aux ombres des figures il suffit de tirer trois ou quatre rays aux extremitées de leur corps iusques en terre pour scauoir au peu pres ou ladicte ombre donne, car l'on ne peut faire l'ombre à des corps composées des lignes courbes (comme sont des figures des personages) si exactement comme à des figures composées de lignes droictes, ie n'ay voulu embrouiller la figure de lettres pour en donner la demonstration sur les plans lesquels fufiront avec ce qui à esté enseigné au precedent pour entendre le tout.












to the center



POVR METTRE VN FRONTISPICE EN RA-
COVRCISSEMENT AVEC SON OMBRE.



Chapitre neuuiesme.






I c'estoit que l'on eust vne grande muraille de galerie ou salle à peindre de cinquante ou soixante pieds de long contre laquelle l'on desire auoir quelque histoire depeinte en plusieurs parties il sera bon qu'entre lesdictes parties il y eust quelque Architecture de colonnes pour faire la separation des tableaux, i'en donneray icy vne exemple ou les colonnes avec les architraues frises & corniches sont représentées comme si elles estoient naturelles avec leurs ombres & les peintures qui sont dedans sont faictes à plaisir sans estre assubiectis au poinct de veue tellement que le Frontispice representera estre faict de marbre & les huit figures entre les colonnes sçauoir les 4. d'enhaut representeront les 4. saisons de l'année, & les 4. d'enbas les 4. parties du iour seront peintes aussi comme si elles estoient de marbre ou de brouse aux six places entre les colonnes sera l'histoire de Phaeton comme il demande la conduite du Soleil à Apollon son Pere qui fut cause de sa ruine, i'ay mis icy les deux plans des racourcissement & aussi les deux plans des ombres, à celle fin que l'on puisse comprendre comme letout est faict le poinct de lumiere est posé en deça du Frontispice c'est à dire entre l'oeil & la muraille. Il est besoing de faire les peintures deuant que de faire l'ombre des colonnes & apres faire que ladiete ombre puisse donner contre lesdictes peintures comme si c'estoyt l'ombre quand le Soleil luit, si letout est faict comme il conuient avec les raisons icy demonstrees sans doubte ce sera vn ouurage excellent, car tout ce qui est imité de la nature avec la raison ne peut estre autre.

POVR


















*Pour peindre contre le bout d'une galerie une aultre galerie, en sorte qu'en-
trant en la susdite galerie, il semblera qu'elle soit encores une fois,
ou deux, ou trois ausy longue comme est la
naturelle.*

Chap. 10.

La esté demonsté par cy deuant au Chap. 25. du premier liure, comme il fault mettre vn Iardin en racourcissement contre la muraille d'un Iardin. Ceste presente proposition se fait en la mesme façon, tellement qu'il faudra faire le plan en la mesme maniere comme est la galerie, & ausy long comme on veult que la galerie paroisse plus longue: & ceste maniere de peinture estant bien faite, l'on pourra peindre aulcunes figures dedans: comme si les vns se promenoient les aultres se iouront ensemble, de forte que l'on y pourra peindre ce que l'on voudra. Et si la peinture est bien faite, il semblera vrayement que la galerie sera beaucoup plus longue qu'elle n'est: & pour demonstrier comme ledit racourcissement doit estre veu, i'ay apose la petite figure à l'entrée de la galerie, & à l'autre bout est le racourcissement qui se leuera à droits angles sur le papier, alors estant veu du point de l'œil de la petite figure (qui se leuera ausy à droits angles) le paiement de la peinture semblera continu avec, ausy les fenestres & tout le reste avec le naturel de la galerie.





DES CHOSES QVI APA- ROISSENT AVX MIROIRS PLANES.

& la raison de telles apparitions.

THEORESME I.



Tous Miroirs planes rapportent leurs obiects à l'œil en la mesme forme comme si la chose visible estoit aultant derriere ledit Miroir comme elle est deuant.

EXEMPLE.

SOit la chose visible A. B. le Miroir C. D. & le point de veue E. & pour sçauoir de quelle forme & grandeur se verra A. B. au Miroir, soit prolongé C. D. vers F. & soit fait la chose visible de l'autre costé du Miroir à droits angles d'iceluy, & aussi loing derriere ledit Miroir comme ladite chose visible est deuant, & ce qui est derriere fera marqué G. H. apres soient tirées de ladite chose visible de derriere les rais visuels, ladite chose visible se monstrera au Miroir de la grandeur I. L.


THEORESME II.



Tous Miroirs planes rapportent leurs obiects à l'œil en la mesme forme comme si l'on voioit la dite chose visible à trauers vne verre plane en la place du Miroir, & que ladite chose visible fut aussi loing derriere le verre comme elle est deuant.

EXEMPLE.

SOit la chose visible A. B. le Miroir C. D. & le point de veue E. soit vne piece de verre posée sur C. D. & que la chose visible soit mise derriere ladite piece de verre à droits angles, & fault que chacun bout de ladite chose visible soit mis de pareil eslongnement, asçauoir G. M. comme M. A. & H. N. comme N. B. apres fault tirer les rais visuels de la chose visible G. H. au point de veue E. il est certain que le verre la représentera en I. L. en la mesme maniere comme les Miroirs planes représentent les choses en mesme estat comme si les dites choses estoient veus à trauers vn verre plane, moyennant que les dites choses fussent aussi loing derriere le verre comme ils sont eslongnez du Miroir.



THEORESME III.




A chose visible estant pourtraite contre le Miroir plane, est semblable à la mesme chose qui seroit mise en racourfissement autant derriere le Miroir comme ladite chose est deuant.

EXEMPLE.

SOit vne tablette marquée A.B.C.D. sur laquelle sera vn cube marqué E. F. & le Miroir I. L. qui sera paralelle au costé dudit cube E. F. & le point de veue sera M. tellement que pour voir comme ledit cube se monstre dedans le Miroir, il fauldra mettre vn aultre cube autant derriere ledit Miroir comme cestuy cy est deuant, qui sera marqué P. Q. N. O. aussi paralelle au Miroir. Fault faire aussi l'ortographe en la mesme façon, & tirer les rais visuels, & mettre le tout en racourfissement: ainsi le cube E. F. G. H. sera representé dans le Miroir par cekuy P. Q. N. O. & le costé de derriere dudit cube se monstre dans le Miroir estre le costé de deuant, & aussi l'ombre dudit cube se monstre deuant au Miroir d'autant quelle est derriere sur la tablette.





THEORESME IIII.




*S*oy un cube ou aultre corps composé de lignes droites n'ayant nul costé paralelle au Miroir, le mesme angle qui est en la figure derriere ledit Miroir sera de pareil eslongnement que celui qui est du mesme costé du cube ou de la chose veüe.

EXEMPLE.

SOit le cube A.B.C.D. & le Miroir I.L. or d'aautant que le costé A.D. n'est pas paralelle au Miroir, il faudra vser en ceste façon : tirez quatre lignes occultes à droits angles sur le Miroir, passantes oultre de l'autre costé aussi longnes comme est la distance de chacun desdits angles du cube, iusques au Miroir, & formez l'efigie dudit cube comme il est marqué H.G.E.F. tellement que l'angle E. de ladite efigie representera l'angle du cube A. celui F. representera D. celui H. representera B. & celui G. representera C. fauldra apres tirer les rais visuels, & mettre le tout en racourcissement.






THEORESME V.

SY le cube precedent estant mis en racourcissement, veu de la mesme distance & la mesme hauteur (mais la ligne taillée estant de l'autre costé de la tablette) il sera d'une aultre forme, tant le dit cube comme la representation d'iceluy dedans le Miroir.

EXEMPLE.

L'Ay démontré au Chapitre cinq & sixiesme de la perspective, que suivant la disposition de la ligne taillée (qui est ce qui reçoit l'objet de la chose visible) ainsi di-je comme elle est située, ainsi nous aurons la chose visible au racourcissement; & comme au dits cinq & sixiesme Chapitres ie n'ay point si bien au long démontré la raison de cecy, comme il sera encores démontré au present Theoresme, soit le mesme cube tablette & Miroir faits comme au precedent en lignografie, & aussi le mesme point d'eslongnement, & soyent tirées les mesmes rais visuels: mais au lieu que la ligne taillée au precedent est parallele au costé O.P. nous la ferons icy au costé P.Q. ainsi cela apportera du changement en l'ortografie, & aussi aux distances des points de longueur & hauteur, comme cela se peult comprendre par la figure, & apres le racourcissement sera fait. Lequel semble y avoir vn default au costé E.F. du cube qui est dans le Miroir, & à celuy C.D. qui est sur la tablette, d'autant qu'il semble que ses deux costez soient plus longs que hauts, & ne semblent estre quarrez; mais cela aduient d'autant que le point d'eslongnement est trop de costé & trop pres de la chose visible, au Theoresme suivant il sera monstré de mettre ledit cube en vne bonne station, pour se monstrer d'une bonne forme au racourcissement.






THEORESME VI.


SY le point d'eslongnement est plus à l'opposite, & non tant de costé comme aux deux precedents Theoresmes, la figure du racourcissement se monstrera plus parfaite, tant du cube comme de son effigie dans le Miroir.

EXEMPLE.

SOient faits les plans comme aux precedentes, & le point d'eslongnement sera posé en sorte qu'il pourra descouvrir deux des costez de chacun cube, estant ledit point d'eslongnement le plus droit opposé sur la tablette que se pourra faire: & fauldra pour ce faire approcher le Miroir vn peu plus pres du point d'eslongnement, d'autant que les rais visuels lesquels prouiennent de l'effigie du cube passeroient de costé du Miroir, ainsi le racourcissement sera fait suiuan: ceste distance, lequel se montre beaucoup mieux que les precedents: ainsi fault il quand l'on veut mettre quelque chose en racourcissement, metre le point d'eslongnement de telle façon que l'on puisse voir & descouvrir le plus que l'on pourra des choses que l'on desire représenter: & faut se garder de mettre ledit point trop pres, & aussi trop de costé, d'autant (comme j'ay dit) que le racourcissement s'en montreroit difforme.







SPECIAL 85-B
OVERSIZE 22527

